



PC SARAJEVO

KABINET DIREKTORA

Broj: 01-02-2-114-15 /13
Banja Luka, 18.01. 2013. godine

Na osnovu člana 57. Zakona o carinskoj politici Bosne i Hercegovine ("Službeni glasnik BiH", br. 57/04, 51/06, 93/08, 54/10 i 76/11) i člana 15. Zakona o Upravi za indirektno oporezivanje ("Službeni glasnik BiH", broj 89/05), direktor Uprave za indirektno oporezivanje, d o n o s i

N A R E D B U

**o nadležnosti carinskih ispostava za carinjenje
određenih roba porijeklom iz azijskih i afričkih zemalja**

I

Roba iz tarifnih glava Carinske tarife Bosne i Hercegovine 33, 34, 38, 39, 42, 43, 44, 50-66, 90-97, gotovi proizvodi iz tarifnih glava 69, 82, 83, 84 i 85 i roba iz tarifnih brojeva 8708, 8711 i 8712, porijeklom iz azijskih i afričkih zemalja, osim zemalja sa kojima Bosna i Hercegovina ima zaključene ugovore o slobodnoj trgovini, bez obzira iz koje zemlje se uvozi, **prijavljuje se za carinski postupak stavljanja u slobodan promet u sljedećim carinskim ispostavama: Gradiška, Novi Grad, Tuzla, Mostar i Aerodrom Sarajevo za robu pristiglu u vazdušnom saobraćaju na Aerodromu Sarajevo.**

Ako se radi o kombinovanoj pošiljci koja, pored druge robe, sadrži više od 500 kg robe iz prednje navedenih tarifnih glava i tarifnih brojeva Carinske tarife Bosne i Hercegovine od ukupne mase pošiljke, carinski referat na graničnom prelazu će istu upućivati u carinske ispostave iz ove tačke.

Kombinovanom pošiljkom smatra se cjelokupna pošiljka (sva roba) u jednom prevoznom sredstvu koja, pored druge robe, sadrži i robu iz prednje navedenih tarifnih glava i tarifnih brojeva Carinske tarife Bosne i Hercegovine.

II

Prijavljivanje robe za carinski postupak stavljanja u slobodan promet kod carinskih ispostava iz tačke I ove naredbe nije obavezujuće za uvoznike koji: duže od tri godine vrše carinjenje robe obuhvaćene naredbom u carinskim ispostavama nadležnim prema mjestu sjedišta uvoznika, nemaju duga po osnovu indirektnih poreza, u protekle tri godine su redovno prijavljivali transakcijske vrijednosti koje su bile realno prihvatljive pri utvrđivanju carinske vrijednosti.

Za potvrdu ispunjenosti uslova iz stava (1) ove tačke odgovoran je šef carinske ispostave.

III

Tačka I ove naredbe ne primjenjuje se na:

- robu koja se smješta u slobodnu zonu, ili u privremeni smještaj, o čemu uvoznik podnosi pisanu izjavu na graničnom prelazu, s tim da se ta roba, nakon takvog statusa, može prijaviti za postupak stavljanja u slobodan promet samo kod nadležne carinske ispostave iz tačke I ove naredbe,
- robu koja je namijenjena smještaju u carinsko skladište ili za unutrašnju obradu, o čemu uvoznik podnosi pisanu izjavu na graničnom prelazu, a upućuje se prijavnoj carinskoj ispostavi navedenoj u odobrenju za carinsko skladište ili unutrašnju obradu, zavisno koji postupak je u pitanju. Carinska prijava za razduživanje tih postupaka podnosi se otpusnoj carinskoj ispostavi navedenoj u odobrenju,
- robu nekomercijalnog karaktera koju putnik nosi sa sobom, a namijenjena je za lične potrebe i potrebe njegovog domaćinstva.

Pri stavljanju robe u carinski odobrena postupanja ili upotrebu iz prve i druge alineje stava (1) ove tačke, odgovarajuće se primjenjuje tačka IV i V ove naredbe.

IV

Vaganje robe obavezno se obavlja prilikom ulaska iste u carinsko područje Bosne i Hercegovine, na graničnim prelazima (referatima) na kojima su instalisane kolske vage, kao i u carinskoj ispostavi iz tačke I ove naredbe kojoj je roba prijavljena. Vagarski listovi obavezno se prilažu uz carinsku prijavu kod nadležne carinske ispostave.

V

Postupak stavljanja robe u slobodan promet nadležna carinska ispostava sprovodi u skladu s važećim propisima, uz obavezan dokumentarni i detaljan fizički pregled robe, s posebnom pažnjom na utvrđivanje relevantnih elemenata za obračun carinskog duga (carinska vrijednost, tarifna oznaka, porijeklo i dr.).

VI

Sektor za provođenje i poštivanje carinskih i poreskih zakonskih propisa će se, po potrebi, u okviru svoje nadležnosti, uključiti u sprovođenje ove naredbe.

VII

Primjena ove naredbe ne isključuje primjenu redovnih mjera carinskog nadzora i kontrole nad ostalim robama u bilo kojem drugom carinski odobrenom postupanju ili upotrebi, koje je, u zavisnosti od konkretne situacije a prema procjeni rizika, potrebno preduzeti.

VIII

Ova naredba stupa na snagu danom donošenja.

Dostaviti:

1. Kabinet direktora
2. Regionalnim centrima - Odsjeku za carine
3. Sektorima i Odjeljenjima UIO
5. a/a

